

# Młodzi serbscy koparjo z hromadnje trenowali

Minjeny tydzień wotmě so přeni serbski koparski camp, kotrež bě Serbske šulske towarstwo z.t. (SŠT) w kooperaciji z dalšimi akterami organizowało (Serbske Nowiny rozprawjachu). Cyłkownje 32 dźeći w starobje dźewjeć do dwanaće lět (młodžina E a D) wobdźěli so na wosebitym lěhwje. Mjez nimi tež wurjadnej koparce Mona Lukašec a Lea Wjacławkec. Nominowali běchu koparjo a koparce trenar wubranksi dorosta starobje skupiny D Tadej Cyž a zamołwiči jednotlivych sportowych towarstwow.

Treningi wotměchu so w Njebjelčicach,

Ralbicach a Chróšćicach. Štyrjo serbscy trenarjo a štyrjo kotrenarjo běchu sportowcam wšednje poboku stali. Na štyrjoch stacijach zwučowachu z nimi we wšelkich hrajných formach wosebje pohib z bulom, dwuboje, zakitowanje kaž tež třelenje na wrota. Dalša dribblingowa stacija bě za polěpsjenje techniki předwidžana. Při tym trenarjo stajnje tež na fairny mjezsobny wobchad na hrajnišću skedźbnichu.

Tež wěsta wutrajnosć a pohibliwosć stej wažnej zakładaj za kóždeho koparja, to wuzběhny Michaela Rabowa, sobudźělačerka SŠT, kotraž z hromadnje z trenarjom Tadejom Cyžom organizaciju cam-

pa přewza. Při zwučowanjach so młodži sportowcy chětro napinachu, zo bychu nadawk tak derje kaž móžno zmištrowali. Zdobom pak wobradžeše jim to wočiwidnje mnoho wjesela. Tež wěda wo wšelkich serbskich wurazach, kaž na přikład nastupajo kopańcu abo dźěla čěła běše prašana.

Na kóncu treninga steješe wosebite wubědźowanje na planje. Tak bě so na přenim dnju spēšnosć koparjow testowała. W sprintowym wubědźowanju młodžiny E wudoby sej Milan Kandt přenje městno. Jako najspešniši w młodžinje D wopokaza so Ben Šmit. Nazajtra mějachu sportowcy skladnosć so w žonglerowanju wuspytać. W skupinje młodžiny E bu Jurij Macka přeni. W młodžinje D wopokaza Benedikt Hicka swój talent a zamó sej z wotstawkom přenje městno zawěsćić.

Wjersh z hromadneho třidnjowskeho campa tworješe turněr „Europske mini-mišterstwo“ w Chróšćicach. W tutym turněrje nastupichu štyri měšane mustwa z hrajerjemi E- kaž tež D-młodžiny přeciwo sebi. Kóždemu mustwu bu při tym mjeno narodneho mustwa přilosowane, kotrež je tež w skupinje z Němcami při lětušim europskim mišterstwie zastupjene. Su to nimo Němskeje Šotiska, Madžarska a Šwica. W jara wurunanych, intensiwnych a napjatych hrach přesadži so na kóncu mustwo kapitana Benedikta Hicky. Woni nastupichu jako Němska (hlej dobyčerski wobraz).

Wosebite treningowe lěhwo je wšitkim wobdźelnikam wulke wjeselo wobradžalo. Wulki dźak słuša tohorunja sportowym towarstwam, kotrež su za to hrajnišća k dispoziciji stajili.

Na tutym městnje přeja wšityc trenarjo koparjam a koparkomaj dale telko lóšta a wuspěcha při bulu. Sportej zdar!



Dobyčerske mustwo „Němska“ zestupa so k skupinskemu wobrazej. Wotlěwa staja: Colin Pietsch (hrajer U15, Dynamo Drježdžany), kiž je dobyčerjow z hromadnje z Piusom Cyžom mytował, Aaron Paška (ST Marijina hwězda), Valentin Adam (ST Radwor), Beno Šefer (ST Radwor), Milan Kandt (SJ Njebjelčicy), Lukaš Łuščanski (ST Njebjelčicy), Metod Pawlik (ST Njebjelčicy), Lea Wjacławkec (Sokoł Ralbic/Hórki), Matej Wjeńka (trenar, ST Radwor) a Pius Cyž (hrajer U16, Dynamo Drježdžany). Na wobrazu pobračuje Benedikt Hicka (Budissa Budyšin).

Foto: Mia-Katarina Hrjehorjec

■ Jan Bogusz